

hano, salvo mosto, e che ogni dì se ne amalerà più. Scrive che per questi 3 zorni l'horò non judichano siano per venir soto Trevixo, ma vorano tuor quelli castelli, sono di là di la Piave fiña a la Livenza, per aver ubertà de viver, e poi vegnirano de qui. El provedador Gradenigo zudega, tuto el campo paserà la Piave per tuor tuto el Friul e invernarse, e sarà di opinion, el campo di Padoa ussisse, e meter im Padoa 3 over 4000 persone da Venecia, e vegnir a unirse con queste zente, è lì, in Trevixo, e andar driedo i nimici, chè fazilmente si potria far un bel trato etc.

268\*

In questa matina sier Donà da Leze, venuto consier di Cypro, fo in colegio et referi di quelle cosse. Laudato dal principe.

*Item* si ave, esser zonti in Histria alcuni navilij con 100 cavali di hongari, over bossinesi, vien a servir la Signoria; non si sa chi siano. *Item*, ne son 17 navilij tra formenti, ogij e altre vituarie in Istria. *Etiam* vene uno canzelier dil conte Vanis di Poliza, drizato a sier Alvise Loredan, *quondam* sier Luca, che dito conte vol menar sua moier e fioli habitar qui e venir con 1000 cavali di turchi.

Da poi disnar fo gran consejo; electi 3 al luogo di procuratori, sier Lunardo Mozenigo, fo podestà a Padoa, *quondam* serenissimo, sier Antonio Loredan, el cavalier, sier Alvise Malipiero, fo consier, e in scurtinio cazete sier Zuam Paulo Gradenigo, è provedador zeneral a Treviso, e fo mal fato. *Item*, fonno fati 6 di pregadi, vechij, et cazete sier Nicolò Lion, fo a la conservation di Trevixo, *quondam* sier Andrea, a suo spexe, con homeni; et fo mal fato, perchè sier Bortolo da Mosto rimase e questo no.

Fo publicato letere di provedadori zenerali di Padoa. Come sier Polo Nani, *quondam* sier Giacomo, a suo spexe apresentò 12 homeni et 2 cavalli. *Item*, sier Piero Zantani, di sier Zuanne, lui con uno famejo a so spexe. *Item*, sier Gasparo da Canal, di sier Christofolo, era podestà a Campo San Piero, con 5 homeni a suo spexe. *Item*, per letere dil podestà e provedador zeneral in Trevixo, sier Sabastian Badoer, *quondam* sier Giacomo, con 20 homeni a so spexe.

*Di Trevixo vene letere, a gran consejo, dil podestà et provedador, di hore 16.* Come i nimici, erano lì a Narvesa, sopra la Piave, stentano a butar il ponte, et è zorni do manzavano carne solamente per non aver pan, e bevevano mosto.

Fu posto, per i consieri, dar licentia a sier Andrea Marzelo, *quondam* sier Fantin, podestà di Hu-

mago, qual è amalato, che per uno mexe possi venir di qui a mutar ajere, lassando sier Piero Antonio Marzello, suo fratello, in loco suo, el qual si à oferto di andar. Et ave 130, e più, di no, 800 di si, e fu presa.

*Item*, sier Andrea Loredan, cao di X, andò a la Signoria e fe' chiamar li capi di le contrade, e quelli mandoe zoso di gran consejo a far la descriptom di homeni da fati per mandarli a Padoa.

*Di sier Lunardo Zustignan, di Trevixo, vidi letere, di ozi, horre 21.* Come i nimici erano a Narvesa e si feva il ponte per passar la Piave e andar in Friul, e in quella hora, 21, era zonto uno l'horò explorator di campo, qual si partì questa matina, dize, era fato il ponte et era passato todeschi, si fanti como cavali, exeto Mercurio Bua, et erano pasati con l'horò da 4 pezi d'artelarie grosse, e che doman dovea tutto il campo francese passar la Piave, et voleno tuor tutto el Friul e poi venir a campo a Trevixo, perchè como havesseno fato una bataria e dato una bataia, sariano andati a far i fati soi, e horra poria esser, si volesseno invernar in questi 269 lochi, e far che tutto questo inverno la Signoria stia su spexa, benchè ne è opinion non passerano se non 2000 fanti et 1000 cavali, e torano tutti li lochi di la Piave, fino a la Livenza, senza bota di spada, et de lì averano vituarie per il campo, e poi vegnirano acamparsi a Trevixo. Scrive, voria fussenò za venuti, perchè arebèno auto vergogna. Dize, sono da fanti 12 milia todeschi e cavali bon numero, e hano pezi 6 de artelarie grosse, ch'è tute rosse, e che tute l'artelarie grosse e rosse, sicome si ha per più vie, sono di fero, e si ben sono di bronzo, non valeno niente. È da 12 pezi pizoli, e francesi sono da lanze 800 et 4000 in 5000 fanti e pezi X de artelarie grosse et X pizole; e in campo erano pur assai de amaladi et assa' carestia dil viver; questo è quanto hanno auto.

*A dì 15, damatina.* Vidi Thodaro Paleologo, vien dil Zante con cavali 55 de' stratioti, qualli sono zonti a Lio, et vieneno per aver soldo di la Signoria nostra, per il qual si ave la certeza, come el sinico, sier Zuam Barbarigo, a dì 17 luio, solo, havea licentiatò sier Hironimo Bernardo, *quondam* sier Alvi-xe, provedador dil Zante, per manzarie fate de lì, che l'vehisse in questa terra, et per lui quello era stà intromesso e toltoli il suo, e fato vender de lì per pagar quelli a chi per mal muodo li haveano tolto; e questa autorità l'hano in commission da lo excellentissimo consejo di X con la zonta, et haveano posto vize provedador al Zante sier Stefano